

癸亥孟春敬送



墨花山館主人沈西園捧讀

1938
9400

惜字良規

1938
7400

5776

咸豐九年新鐫

惜字良規

願印送者毛邊
紙裝釘每本京
錢一百三十文

板存琉璃廠中
間路北奎光齋

惜字良規

慎獨齋主人纂輯

惜字勸善十二則

- 一 勸宦家富室 捐貲創會收買淫詞書板春宮圖畫
- 殘書廢文立時銷燬並雇人收焚街墻破壞字紙各
- 廟燒香招紙為無量善
- 一 勸現在官長 隨處嚴禁刻淫書畫春冊并奸民販
- 買字紙改造紙筋紙花而更戒書役置篋盛字教民

間立會惜字爲無量善

一勸士人有力者糾集同心聚貲立會供僧拾字無力者隨手檢拾隨處勸化並同痛絕家人輕拋妄用等弊自有善報

一勸授徒塾師廣布惜字訓言詳述惜字果報勸化生徒敬字自有善報

一勸農工商賈勿將字紙爲包物糊物等用尤勿於一切器用貨物上書寫名姓刻印字號自有善報如靴

鞋等舖既另有招紙包裹則統裏字號圖記顯係重複種福者宜亟除此弊

一勸窑戶勿於磁器磚瓦上燒詩句刻字號自有善報

一勸公門吏胥一切改抹草稿勿致狼籍置篋積貯向爐焚化自有善報

一勸脩行僧道隨緣募食收字有已食會主齋糧者勿偷閒勿避穢並勸會主于所獻神前練幡切勿書

字于上宜另紙粘貼自有善報

一勸星相醫卜 勿濫刷招紙於湫隘處醫者尤勿賣
春方藥刷春方帖自有善報

一勸刻字之鋪 一切樣稿印紙割補差訛慎勿輕棄
隻字自有善報

一勸紙坊 勿將有字廢紙造還魂紙及作紙花紙筋
等用自有善報

一勸婦女 洒掃庭除留心拾字不將字紙廢書爲托
鞋剪樣插針夾線等用自有善報

惜字宜戒七則

一戒勿將字紙糊窗俵筐抹棹拭穢封罈包物

一戒勿將字紙撚繩紮物然燈吸烟

一戒勿將字紙換物賣錢 賣作紙筋還魂
紙者罪過尤大

一戒勿當空焚字棄灰於地以致踐踏

一戒勿拋棄有字筆管碎碗

一戒壽輓幛聯勿書墨字於上 宜作金字或
另紙粘貼 免日後改

用以致褻字

一戒勿將所拾字紙仍置墻隙致與未拾者同

惜字廣意六則

一不可撰淫詞艷曲壞人心術流害無窮

一不可謗毀聖賢褻瀆經籍

一不可集書爲艷體文割書作歇後語

用成語割去末字謂之歇後語

及借引經書取供笑謔

一不可出恭看書穢手揭書

一不可將書作枕

一不可偷發書札

惜字正詮十二則

一下筆有關人性命者此字當惜

一下筆有關人名節者此字當惜

一下筆有誤人功名者此字當惜

一下筆有離間人骨肉者此字當惜

一下筆屬人閨闈陰事及離拆婚姻者此字當惜

一下筆謀人自肥傾人活計者此字當惜



一下筆凌老貧欺孤寡者此字當惜

一下筆挾私懷隙故賣直道毀人成謀者此字當惜

一下筆唆人構怨代人架詞者此字當惜

一下筆顛倒人是非使人銜冤者此字當惜

一下筆託詩譏訕人者此字當惜

一下筆刺人忌諱發人陰私終身飲憾者此字當惜

立惜字會法

一凡立收字會擇有字爐處為總寺廟會館均可先置字篋百

隻多則更妙簿一本篋二百枝大籬一對篋分雙單月兩

號篋上書雙月第幾號單月第幾號將篋以繩繫於篋上雙月則繫雙月篋單

月則繫單月篋

雇人散收或屬寺僧雇人亦可擇就近宅館鋪戶之有

字處散之書明簿上第幾號係某胡同某宅每月朔日焚燒先

三日雇工至董事處領取所存簿篋未散之篋挑籬至各處收取每宅秤明字紙幾斤登明簿上將新篋換上

撤回前籤以後雙單籤各宅收畢將籤簿並字繳交

董事以爲憑信庶無弊竇

一焚字日董事必親自監燒如一人創會始終其事尤妙若同志立會輪流監燒每年不過數日亦不費事

一置粗密布袋數口以五六尺布爲一口紙包不妥且所費更多字爐灰滿

卽以布袋盛之俟年終擇淨土掩埋豎立石碑題曰

字塚此爲京都立法若在外省紙賤水近卽以紙包投之江河可也

凡立惜字會並不大費錢文置買篋籬簿籤如前

數此時京錢不過六十餘千文有力者一人創會

亦所優爲否則糾聚同心頃刻可就以後每月只

需收字工錢數千文或畧存公項或輪流出賞監

燒不必存公亦爲簡便或有立願收字幾月者卽出幾月錢文並監焚燒亦

可惟董事略費心神伏望同志之士一見此書

卽時立會或依法舉行或變通盡利苦口勸化隨

時檢收卽不言果報而果報在其中矣

輕棄字紙隨處皆然而京都尤甚不但街墻飄墜

170.1

1950

情字良規
路途棄擲而作紙花造還魂紙尤爲他處所罕見
有能出貲立會買焚沿牆破壞招紙戲報春方各
廟燒香招紙及買焚向賣紙坊字紙者功德更倍
有能將此書攜帶他處或印寄他處及他處翻刻流傳
如法立會者尤爲功德無量